

Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Antidotorvm Evangelicorvm D. Thomæ Stapletoni, S. Theol. Doctoris, & in
Academica Louaniensi S. Script. Professoris Regij, Pars Altera - In
Sacrosanctum Euangeliū secundūm Ioannem

Stapleton, Thomas

Lvgdvni, 1595

Cap. 3.

urn:nbn:de:hbz:466:1-39480

pulo, si fieri potest, & queratur ex eo, Quis eum hoc miserit aut vocauerit ad docendum? Id procul dubio Senatus non fecit. Quod si tum dicat se à Deo, atque ipsius spiritu missum esse sicut Apostoli (hoc autem dixit Caluinus, dixit Beza, dixit Musculus, dicunt & alij omnes noui hodie Magistri) probet hoc signis & miraculis editis, vel nolite pati ut concionetur. Nam ubique Deus ordinariam viam mutare vult, ibi semper miracula facit. Hæc Lutherus. Eat nunc Caluinus, & non Papistas, sed Lutherum arguat, quod exemplo Iudeorū audeat à nouis concionatoribus, qui extra ordinem à Deo se mitti dicunt, signa & miracula efflagitare. Denique aut seductor Caluinus est, qui hoc factum conqueritur, aut impostor Lutherus est, qui id faciendum hortatur. Sed hic contra caput suum stolidè & imprudenter, ille contra apertam veritatem impiè & impudenter scripsit.

IN IOANNIS CAP. III.

5. *Nisi quis renatus fuerit ex aqua & Spiritu sancto, non potest introire in regnum Dei.*

Hæc verba de baptismo Euāgelico ad literam intelligi debere, quia ipsum introitum regni Dei & primum ingressum in Ecclesiam nouam docete Nicodemum Christus voluit, tota semper Ecclesia indubitate haec tenet intellexit. Adeò sanè ut Pelagiani, qui peccatum originale negantes, parvolorum baptismum necessarium esse negabant, quum ex hoc loco efficaciter se convinci viderent, non quidem sint ausi negare de baptismo hæc verba intelligi; sed ad illam vanam distinctionem confugint, posse eos peruenire ad vitam æternam tametsi regnum Dei non introirent. De quo vide Augustinum. Caluinus nihilominus pertinacissimè contendit hæc verba ad baptismum non pertinere, sed ad solam renouationem spiritualem per fidem: Idque ea de causa ne baptismus ad salutem necessarius videatur, vnde sola fides salvificans continuò pro vana ac falsa refutaretur. Primum cauillatur non sequi necessitatem baptismi, etiamsi de eo sermonem hic fieri concedatur. Etiam si demus (inquit) Chrismum hic loqui de baptismō, non tamen sic urgenda sunt verba ut salutem in externo signo includat; sed ideo potius aquam Spiritui adiungit, quia sub illo visibili symbolo quam Deus Spiritu suo vita nouitatem solus in nobis

*De peccato
mer. & remiss. lib. I.
cap. 30.*

*Baptismi
necessitas
defenditur.*

nobis efficit, testatur atque obsignat. Hæc ille. Sed hoc commentum de obsignatione & sigillo Caluiniano, alio in loco refutauimus. Et Paulus diserte dicit per lauacrum regenerationis nos saluos factos esse, vbi non salutis prius adeptæ obsignationem, sed salutis de facto collata medium & instrumentum baptismō assignat. Nec propterea salus nostra ex-
In Antid. Aposto. ad Roman. 4. vers. 11. Tit. 2.
 terno signo includitur, sed per externum signum confertur. Aiunt hæretici per Euangelicam prædicationem fidem conserui. An propterea in illa extera voce fidem includunt, aut diuini Spiritus operationem excludunt? Deinde si baptismus vitæ nouitatem à Spiritu sancto datam testatur & obsignat, & sine ista obsignatione nemo intrabit in regnum cælorum; consequitur indubie baptismi necessitas, si non ad conferendam, saitē ad obsignandam & testificandam salutem. Ita utrouis modo intelligas, ipsa aquæ baptismalis necessitas à Christo docetur. Quare aliquam necessitatem agnoscere ipse Caluinus vult. Verum quidem est (air) baptismi neglectu arceri nos à salute: atque hoc sensu necessarium esse fateor: sed salutis fiducia præpostera sub signo includitur. Respondeo, in adultis solum neglectum baptismi arcere à salute, quatenus in voto baptismi saluari potest, quem non sacramenti contemptus, sed necessitas à baptismō consequendo exclusit; in parvulis vero, qui votum illud habere non possunt, solum baptismi defectum eos à salute excludere, ut Catholica semper credit Ecclesia, quod contra Pelagianos fortissime defendit Augustinus. De qua re apud Matthæum plura diximus. Quan-
Ad Matthe. cap. 28. vers. 19.
 rum vero ad hunc locum attinet (air Caluinus) nullo modo adducor ut Christum de baptismō verba facere credam. Hoc enim fuisse intempestivum. Tenendum enim semper consilium Christi quod antè exposuimus, nempe quod Nicodemum hortari voluit ad vita nouitatem, quia Euangeli capax non erat donec alius homo esse inciperet. Est igitur una & simplex sententia, nos de integro nasci oportere, ut filii Dei simus, atque huius secunda genitura & Spiritum sanctum esse authorem. Nam quum Nicodemus Pythagoricam palingenesiam somniaret, Christus, ut hunc illi errorem eximeret, interpretationis vice addidit non fieri naturaliter ut secundo nascantur homines, aut opus esse ut alterum corpus induant, sed nasci, quum mente & animo renouantur per Spiritus gratiam. Hæc Caluinus. Tota eius speculatio quum in imaginaria illa palingenesia à Nicodemo, & aliis Iudeis credita fundetur, vana & inanis esse conuincitur. Illa enim palingenesia Pythagorica à Nicodemo, vel aliis Iudeis

Suprà ad Iudæis credita fuisse stultissimè asseritur, vt alio in loco de-
Luc. cap. 9. vers. 7. monstrauimus. Sed & Nicodemus verba longè alium sensum
Catnini demonstrant. Non enim de nouo corpore assumēdo quāsi,
sensus va- sed de eodem suo corpore ab eadem matre sua iterum progra-
lide refur- gnendo & in lucem edendo interrogat. **Quomodo** (inquit) ho-
tatur. mo nasci potest quum sit senex ? non dicit . Quomodo potest
post mortem in alio corpore renasci ? Et addit . Nunquid po-
test in ventrem matris sua iterum introire ? supple , vt ab ea-
dem matre sua iterum renascatur ? Hoc est quod somnianit
Nicodemus ; non aliquam palingenesiam Pythagoricam , vt
inceptissimè somnianit Caluinus . Christi quiaem consilium fuit ,
hortari Nicodemum ad vitæ nouitatem , vt Euangelij caper-
esser , & aduentum Messiae crederet . Nam & ideo alias Iudeis
dixit . **Qui voluerit facere voluntatem Patris mei , cognoscet doctrinam meam , quia ex Deo est .** Idcirco Nicodemo hic dicit ,
am M. hi
Nisi quis renatus fuerit de novo , non potest videre regnum Dei , id est , non potest cognoscere aduentum Messiae , quem Iudei
regnum Dei vocabant . Sed quia nouæ nativitatis vocabulo
Christus v̄sus est , Nicodemus de aliqua carnali nativitate , no-
spirituali , eum loqui iuxta carnales adhuc & animales affe-
ctus suos existimabat . Quam eius crassam imaginationem
corrigens Saluator , de vera quidem generatione se loqui do-
cet , sed spirituali , non carnali . Ideoque qualis sit hæc spiritua-
lis regeneratione , & ipsius quale sit primum exordium , docet .
Propterea introitus verbo utitur , dicens : **Nisi quis renatus**
fuerit ex aqua & Spiritu sancto , non potest introire in regnum
Dei , id est , non habet introitum in Ecclesiam Messiae . Non
dicit sicut prius dixerat , non potest videre regnum Dei , id est ,
aslequi & frui beneficio Messiae , quod sensu Caluini conve-
nientius foret . **Quare & mox de ipso exordio renovationis**
fidelium se loqui docens , ponit antithesim inter carnalem &
spiritualem generationem his verbis : **Quod natum est de car-**
ne , caro est . Quod natum est de Spiritu , Spiritus est . Christus
ergo non solum de ipsa vitæ nouitate & renovatione necel-
laria informare Nicodemum voluit , sed & de huius nouitatis
exordio ipsaque regeneratione . Quare sane duo multum dif-
ferunt . Regeneramur semel , Renouamur quotidie de die in-
Regenera-
tio & re-
nouatio
multum
differunt.
di m. Per regenerationem in statum filiorum adoptionis in-
ducimur ; ubi enim filiatio est , ibi vera generatio . Per reno-
vationem opera & actiones filiorum Dei proferimus , & in-
nouitate vitæ ambulamus . Per regenerationem Christum in-
duimus , per renovationem imaginem eius conformes effici-
mus . Adeò

Adeò non est eadem sententia (ut vult Caluinus) sed longè
diuersa quam hic Nicodemo Christus aperuit.

Nunc reliqua videamus. Ideò (ait Caluinus) Spiritum &
aquam pro eodem posuit. Neque hoc durum aut coactum videri
debet. Cur ita tandem ? Frequens (inquit) ac tritus loquendi
mos est in scriptura, quum de Spiritu sit mentio, ad exprimen-
dam eius vim, aqua vel ignis nomen adiungi. Vide impostoris
fraudem. Aquæ (inquit) vel ignis nomen adiungi. Sed quid
hoc ad rem facit, si ignis nomen spiritui adiungatur, sed
non aquæ nomen ? Quæ hæc consequentia est, Ignis nomen
adiungitur Spiritui sancto, ut vis eius exprimatur, ergo aquæ
nomen similiter adiungi putandum est. Ut Caluni hoc loco
coniectura vim haberet, dicere & probare debuit, aquæ nomē
spiritui sancto adiungi solere, non autem ignis aut alterius
cuiusque rei, nisi forte utriusque. Nunc homo vafer quia de
aqua probare non potuit (de qua est quæstio) dicit, aquæ vel *Impostura*
ignis nomen adiungi. Quod periude dicitur, ac si probatus *egregia.*

feminas à Christo ad Apostolatus dignitatem assumptas, sic
argumentaret : Frequens ac tritum est in Euangelio, quum
de vocatione ad Apostolatum sit sermo, feminas vel viros
vocari. Certum enim hoc est de viris, & propositio disiuncti-
ua, quæ in altera parte verificatur, vera est. Sic ludit lectorem
suum impostor Caluinus. Probatus de aqua, argumentum
ad fert de aqua vel igne. Moxque probat de igne, non de aqua.
Hoc ipsum tamè quod de igne probat, quale sit videamus.
lam (inquit) aliquoties habuimus, Christum esse qui baptizat
in Spiritu sancto & igni, ubi ignis nihil diuersum à Spiritu so-
nat, sed tantum qualis sit eius in nobis efficacia ostendit. Alia *Impostura*
nequierit *cù* *mendacio*
hæc & nequierit impostura est, quia cum aperto mendacio
coniuncta. Prius dixit, Frequentem & tritum loquendi morem
in Scripturis esse, aquam vel ignem Spiritui sancto adiungi.
Nunc de solo igne probans, assertit id aliquoties dici: quod si
verum esset, non tamè, quod aliquoties dicitur, id frequens
ac tritum est. Nunc autem nec aliquoties quidem, sed semel
tantum hoc dictum fuit à Ioanne Baptista, tametsi bis illud
legamus Matth. 3, & Luc. 3, qui eandem Baptiste concessionem
referunt: Ille baptizabit vos in Spiritu sancto & igni. Rursum
falsum est, eo ipso uno in loco ignem nihil diuersum à Spi-
ritu sonare. Sonat enim apparitionem Spiritus sancti in lin-
guis igneis, de qua Christus Apostolis iam ascensurus in cæ-
lum dixit: Vos baptizabimini Spiritu sancto non post multos *Act. I.*
hos dies. Ita nihil quam mentitur ac fallit Caluinus.

Mouet

Mouet sibi statim futilem difficultatem, quod in his verbis ignis similem non habet cum Spiritu adiunctionem cum ea quam hoc loco aqua. Ibi enim ignis Spiritui postponit, hic aqua praeponitur; & occurrens huic diuersitati dicit. Quod autem hic praeponit nomen aquae, non multum ad rem interisti. Imò hac locutio melius fluit quam altera: quia scilicet metaphoram sequitur nuda & aperta sententia: ac si diceret Christus neminem esse Dei filium donec per aquam renouatus fuerit; hanc vero aquam esse Spiritum sanctum qui nos repurgat, & qui virtute sua in nos diffusa virgorem inspirat calestis vita, quum multum interesse sive praeponatur Spiritui aqua, sive postponatur, copula interiecta, quia res diuersa utroque modo significabuntur. Alioqui si huiusmodi exceptionibus ludere licet, innumeras alias Scripturas facilè peruerteret & deprauabit qui volet. Non est insolens (ait paulò post Caluinum) copulamexegeticè sum, quum scilicet posterius membrum explicatio est prioris, lxx. Regula ad corrūpendas scripturas à Caluino adiuncta.

has ergo Caluini regulas, quicquid in Scripturis coniunctivè profertur, non rerum diuersarum enunciatio, sed rei eiusdem explicatio erit; quoties ita rem accipere contra totius Ecclesiae iudicium, & omniū Patrum consensum (vt Caluinus hoc loco facit) cuicunque libeat. Sic in istis propositionibus, Qui crediderit & baptizatus fuerit, saluus erit; Qui docuerit homines & sic fecerit, vocabitur magnus in regno celorum, Qui corde crediderit & ore confessus fuerit Christum à mortuis resurrectum, & innumera talia, non res diuersæ enunciabuntur, sed una & eadem res exegeticè proferetur, & perinde erit sive prius posterioris, sive posterius prioris explicatio sit. Ita nihil in diuinis Scripturis ab haereticorum corruptelis turum erit. Quod addit Caluinus, Nicodemi infiditiam à Christo meritò exprobrari, quod formam loquendi Scriptura visitatam ad desumptum esse, hoc totum ad priora illa Christi verba pertinet, Oportet vos nasci denuo; non autem ad ista, Nisi quis renatus fuerit ex aqua & Spiritu sancto, &c. cui simile aliiquid ingatur contextus. Nam quum mox rationem Christus subiicit curiosi regula ad de- nos renasci oporteat, præterita aqua mentione, solo Spiritu qua- pñandus Scriptura inuenita.

Alia Caluini regulas exigit vita nouitatem constare docet, unde sequitur aquam esse à Spiritu separandam. Hæc ille. Eodem argumento, baptismum in uniuersum explodere licebit; ex ipso contextu verborum Christi: quia quum prius dixisset, Qui credidit

& baptizatus fuerit, saluus erit, postea præterita baptismi mentione dixit; Qui non crediderit, condemnabitur: ynde sequitur fidem & baptismum pro eodem accipi oportere. Cæterum quantum contextus ipse sensui totius Ecclesiæ suffragetur, antea à nobis expositum est. Hæc est impietas Calviniana. Apertissimum & receptissimum verborum sensum in quæstione grauissima derelinquit, non nisi futilibus mendaciis & parologismis, & regulis commentitiis ad totam deprauandam Scripturam idoneis subnixus. Sed in hac tam illustris loci corruptela habet Calvinus sibi aduersantes non solùm Lutheranos omnes, sed & ipsum Bucerum & Benedictum Aretium Sacramentarios in cōment. ad hunc locum.

8. *Spiritus ubi vult spirat, & vocem eius audis, & nescis unde veniat, & quod vadat.*
9. *Sic est omnis qui natus est de Spiritu.*

Propositum Christi est, ostendere eos qui noua nativitate spirituali de Spiritu Sancto nascuntur, habere quan-
dam similitudinem & indolem diuini Spiritus; sicut id quod
carnali generatione nascitur, carnem & carnalia sapit, quod
in superiori sententia dixerat. Quām verborum Christi co-
hærentiam qui rectè aduertit, Spiritum hoc loco pro vento
accipi, sicuti recentiores interpretes, & ipse maximè Calvinus
accipi volunt, absurdum putabit. Cyrillus quidem, Chrysostomus & euim sequuti Theophylactus & Euthymius in hunc
locum, Spiritum pro vento exponunt: quam ob causam Græcorum Patrum hanc esse sententiam indefinitè pronuntiat.
D. Iansenius hoc loco. Cæterum de Spiritu S. hunc locum ex-
ponunt alij Patres Græci, iisque grauissimi: Athanas. lib. 1. &
5. de vnica deit. Trinit. Gregorius Nazianz. orat. 5. Theolog. *Spiritus*
Basil. lib. 5. cōtra Eunomium cap. penult. Gregor. Nyss. orat. de *hoc loco*
S. baptism. Latini autem Patres ferè omnes hanc senten- *Spiritus*
tiam sequuntur. August. in hunc locum tract. 12. non solùm *S. signifi-*
eam tenet, sed & alteram de vento refutare contendit. Hilar. *cat.*
lib. 2. de Trinit. Hieron. ad Hedibiam q. 9. Ambros. lib. 2. de
fide cap. 3. & de Spiritu S. lib. 3. cap. 11. Gregor. Mag. Moral. lib.
27. cap. 11. Assimilat ergo Christus omnem natum de Spi- *Renatus*
ritu, id est, quemlibet verè Christianum, Spiritui S. de quo re- *ex Spiritu*
nascitur, in tribus. Primum quod sicut *Spiritus S. ubi vult* *Spiritus S.*
spirat, & sua dona ubi vult & cui vult distribuit; sic natus de *in tribus*
assimila-

2. Cor. 3. Spiritu liber est in suis operationibus. Vnde Paulus. *Vbi Spiritus Domini, ibi libertas.* Ex hac libertate spirituali quilibet
 verus Christianus legem implet, *Plenitudo enim legum dilectionis,* quæ est proptum & primatum domum natorum de
 Spiritu) tentationes superat, & peccata deuitat, (*Peccatum enim in vobis non dominabitur, quia non es in sub lege, ut servi,*
 2. 3. *sed sub gratia, ut liberi*) Diabolum vincit. Maior enim est qui
 in vobis est quam qui in mundo. Denique omne bonum quod
 vult operatur, & à Dei charitate nunquam inuitus separatur.
 2. Sic ubi vult spirat. Secundo assimilatur Spiritui S. omnis fidelis: quia sicut Spiritus Sancti vox auditur quidem exterius per Prophetas, per Christum, per Apostolos, & alios quos perpetuo mittit, et si ipse sit inuisibilis, sic hominum spirituum opera bona & admirabilia foris videntur, *ut glorificetur Pater eorum qui in celis est, sed dona gratiarum, vnde haec opera profluunt, interna sunt & inuisibilia.* Hinc sequitur terrium, quod sicut nemo scit vnde Spiritus Sanctus veniat, aut quod vadat, id est, vias, iudicia, consilia Spiritus S. nemo assequitur, vnde Paulus, *Quam incomprehensibilia sunt iudicia eius, & inuestigabiles viae eius!* sic homines huius seculi vident opera iustorum natorum de Spiritu, sed vias eorum nemo nouit nisi qui eodem Dei Spiritu agitur. *Animalis homo non percipit ea quae sunt Spiritus Dei: stultitia enim est illa.* Vnde & deridet ea. *Prudentia enim carnis, inimica est Deo.* Mundus quod suum est amat, &c. Sic nesciunt vnde veniant opera iustorum. Si militer nesciunt quod vadant, quia nondum apparet quid sunt & quid erant opera iustorum, quantumque mercede retribuenda. Hic est huius loci germanus sensus, qui etiam docet, qui veri & germani sunt Christiani, contra Herilem, nominalem, & imputaciam hereticorum iusticiam,

6. *Quod natum est de carne, caro est.*

Peruerterit: *hæc verba Calvinus, ut quicquid homo in Christo nondum regeneratus facit, peccatum esse persuadeat: quasi cato pro carne peccati hoc loco accipi debeat, aut quasi in generatione carnali sola caro nascatur, & anima à Deo non i fundatur, qua tametsi à carne corrupta veluti vase inficiatur ut carnalia sapiat & appetat, rationis tamen lamine à Deo Creatore ornatur, quæ appetitum carnalem corrigeret interdum valeat, et si non semper. De qua natura nostris*

bi Spiritus
quilibet
genus dilec-
torum de
peccatum
ut serui,
im est qui
um quod
éparatur.
nnis fide-
exterius
lios quo
spiritua-
loris factum
nde hæc
sequitur
us veniat,
s S. nemo
sunt infa-
ius seculi
as eorum
imalis he-
im est illi.
a est Deo
e veniant
quia non
um, quan-
germanus
christiani,
eticorum
o in Chri-
e persuas-
oi debeat,
, & anima
pta veluti
nis tamen
carnalem
ua natura
nolitz

nostræ per peccatum corruptione vide opus nostrum de Iustificat. lib. 2. Cæterum hæc nihil de peccato agitur; & quamvis nullum esset in homine peccatum, sed in statu innocentia ageret, verum tamen esset quod in tota propagatione humana, quod natum est de carne, caro est. Propositum Christi solum est, ostendere terminum carnalis & corporalis generationis esse similem principio: & quia principium generationis naturalis est homo, homo quoque est qui generatur.

I4. *Sicut Moyses exaltauit serpentem in deserto, ita exaltari oportet filium hominis, ut omnis qui credit in eum, non pereat.*

Dupliciter hunc locum deprauat Caluinus. Primum absurdissimè exponit exaltationem, de qua Christus hæc loquitur, Euangelicam prædicationem esse. Sic enim scribit. Exaltari significat collocari in loco edito, ut omnium aspectui pareat. Id factum est Euangelij predicatione. Nam quod de Cruce quidam exponunt, contextui non quadrat, & alienum est ab instituto. In hanc igitur finem similitudo exaltati serpentis in deserto adducitur, ut se doceat Christus Euangelij doctrina statuendum esse ante omnium oculos, ut quicunque ipsum fide intuiti fuerint, salutem percipiant. Hæc ille. Cæterum de sua futura crucifixione, & de beneficio redemptionis, quod ad salutem credentum omnibus est, Christum hæc loquitur; tum similitudo serpentis allata, cum verbum exaltationis efficaciter demonstrat. Sicut qui in serpentem ligno affixum aspicebant, à mortibus serpentinis liberati erant; sic qui in Christum crucifixum credunt, à peccatis suis liberantur. Sic hæc figura & genus & fructum mortis Christi, simulque fidei necessitatem ad viuum exprimit. Exaltationis vocabulum non nisi de Cruce apud Ioan. aliis in locis accipitur. Quum exaltaueritis filium hominis, tunc cognoscetis quia ego Ioan. 5. sum. Iudæi non prædicabant Christum, sed crucifigebant. Rursum alibi. Ego quum exaltatus fuero à terra, omnia tra- Ioan. 8. ham ad me ipsum. Sed Caluinus hunc sensum de legit, ut hæreticum dogma de prædicatione Euangelica peccata creditibus remittente, sicuti nos de Sacramentis loquimur, stabiliret.

Alia deprauatio est in verbo credendi, cui vita æterna tribuitur. Hinc (inquit) constat admirabilis fidei effectus, quia per do- gratia eam Christum recipimus qualis nobis datus est à Patre: nempe reselluntur.

qui nos a eterna mortis reatu solutos vita eterna heredes efficiat. Ceterum quum fides huic beneficio primum sanè aditum faciat, non tamen sola sine renouatione mentis interna, & sine spiritu adoptionis filiorum Dei hoc beneficium conferat; huic obstaculo ut occurrat Caluinus, subiungit. Nondum tamen satis liquet cur & quomodo vitam nobis conferat fides, an quia Spiritu suo nos regenerat Christus, ut viuat in nobis & vigeat Dei iustitia; an vero quia sanguine eius purgati a peccatis gratuita venia iusti apud Deum censemur. Certum quidem est, hac duo semper coniuncta esse, sed quia hic de salmis certitudine agitur, tenenda pricipue hac ratio est, nos idcirco viuere, quia Deus peccata non imputando nos gratis amat. Falsa & impia doctrina est quam tradit. Fatetur haec duo semper esse coniuncta, peccata nobis condonari, & Spiritu Christi regenerari, ut viuat in nobis Dei iustitia. Si semper sunt coniuncta, ergo ex utrisque constat salus nostra, non ex solatissione peccatorum. Imò ait Caluinus, quia de certitudine salutis agitur, haec posterior ratio pricipue tenenda est. Vide quomodo fallit ac fallitur. Fallit lectorem nequiter, quem dicit de certitudine salutis h̄c agi. Non enim de certitudine, sed de principio salutis agitur: nō de tota perfectione, sed de eo quod imprimis necessarium est. Agnoscit ipse Caluinus, coniungi necessariò renouationem internam, de qua hic non agitur. Ideo (ait Caluinus) nominatim sacrificij fit mentio, quod simul cum peccatis maledictio & mors abolita est. Si ergo de sola abolitione peccatorum hic agitur, & illa sola certitudinem salutis non adfert, (coniuncta quippe esse debet regeneratione in nouam vitam,) euidenter probatur non de salutis certitudine, sed de vna eius parte hoc loco agi. Deinde fallitur ipse turpiter quum dicit, nos idcirco viuere, quia Deus peccata non imputando gratis nos amat. Contradicit Christo dicenti: Ipse Pater vos amat, quia vos me amatis, & credidistis in me. Ecce amor Dei in nos, non solum quia peccata remittit, sed quia nos Spiritu Christi regenerati amamus Christum, & credimus in eum.

Vita nouitas magis mortis, & nō multo magis noua vita veteri succedens. Qui causa sa- luti quām remissio peccatorū. Deinde absurdissimum est, quod causa vitæ sit priuationis magis mortis, & nō multo magis noua vita veteri succedens. Qui non capie aërem ex tenebris oculo lucidum factum, non solum propter fugatas tenebras, sed multo verius propter praesentem lucem lucidum vocari & esse? Sic propter spiritualē regenerationem, quæ nouos homines & filios lucis facti sumus verè & formaliter filii Dei, Deo grati ac iusti; non solum

Caluini
menta-
rium.

Ioan. 14:

solum propter remissa peccata: & in utroque beneficio constat salutis nostrae certitudo.

18. *Qui credit in eum, non iudicatur.*

Confirmant ex his verbis suam solum salvantem fidem *Contra hæretici*: & vertunt Caluinus ac Beza, *Qui credit in Iam fidem eum, non condemnatur*: quum verbum Græcum sit *upīs̄t̄a, saluatēt̄*. quod propriè significat sententiam accipere, siue approbationis siue condemnationis; non *upīs̄t̄a, quod propriè significat condemnationis sententiam accipere*. Sed ut *upīs̄t̄a* accipiatur hoc loco pro condemnari, non tamen docet hoc solo nomine à condemnatione liberos omnes esse, quia credunt. Credere in Christum, non est, vel solum fidem habere, & totam doctrinam Euangelicam credere, vel, ut Caluinus hic exponit, *fiduciā & certitudinem salutis concipere*, sed est credendo in Christum tendere, & fidem per dilectionem operatēm habere, ac denique regenerationem in nouā vitam coniunctā tenere, ut supra Caluinus agnoscat. Postremò non *condemnari*, hoc loco non significat ab omni damnationis *Hæreticos* sententia in perpetuum imunes esse, ac de salute certos (in *rum et per-* quo mirificè falluntur hæretici) sed hoc solum significat, ab *niciasissi-* illa damnationis sententia libertari credentes in qua nati sunt, *muis et rotis* ut non sint iam amplius filii iræ, sed filii Dei, accepta videlicet remissione peccatorum, & gratia renouationis donati. Sic enim Deus credentes non iudicat, id est, auctum iustitiae in eos non exercet, relinquens eos in statu perditionis; sed illis miseretur, & auctum misericordiae exercet, vocans in statum adoptionis filium Dei, & faciens illos filios acquisitionis. Denique non iudicatur aut non cōdemnatur qui credit, quia transit à morte ad vitam, nec manet in statu damnationis. Hunc sensum genuinū ac literalem alia Christi verba manifestè docent. Infrā Ioan. 5. *Qui credit ei, qui misit me, habet vitam æternam, & in iudicium non venit, sed transit à morte in vitam*. Hæc est prima gratia credentibus data; cum qua & in qua gratia si perseverat, tunc certo salvantur, & finaliter non *condemnantur*. *Qui enim perseveraverit usq; in finē, hic salvus Matth. 10: erit*. Et Paulus: *Participes Christi effecti sumus: id est, transiimus à morte ad vitam, & in iudicium non venimus, & habemus vitam æternam in spe & in radice, si tamen initium substantia eius, id est, inchoatam in nobis fidem, quæ est substantia rerum speradarum, usq; ad finem firmū retineamus. Hebrei 1:*

Hoc sensu qui credit in Christum, non iudicatur, id est, ad misericordiam non ad damnationem vocatus est. Sic infra loannes Baptista quum dixisset, Qui credit in filium, habet vitam aeternam; quo sensu hoc dixerit, a contrario demonstrat: Qui autem incredulus est filio, non videbit vitam, sed ira Dei manet super eum; id est, manet in statu irae & damnationis in quantum est, non liberatur ab illa ira, ut sit filius & haeres vitaeterna, sicut ille qui credit liberatur. Sed haec liberatio non est adhuc nisi in spe gloriae filiorum Dei: quae spes probatione, quam adfert tribulatio, roboratur, & perseverantia finali concluditur.

Rom. 4.

36. Qui credit in filium, habet vitam aeternam.*Sola fides
reducitur.**Caluini
artes.**Non reno-
uamus fi-
dei, sed Spi-
ritu Dei.
Tit. 3.
2. Cor 4.
Coloss. 3.*

Hic iterum sua toxica admiscet Caluinus, & sanguinem Euangeliū pestilenter corrumpit. Quod vita (inquit) causa vocatur fides in Christum, inde colligimus in solo Christo vitam contineri, neque eius aliter nos fieri compotes quam Christi gratia. Sana haec est & salutaris doctrina: quia quicquid ad vitam aeternam consequendam requiritur, non nisi per Christi gratiam nobis confertur. Sed hoc melle ubi suos allexitilectores, mox admiscet toxicum. Sed non conuenit inter omnium quomodo ad nos perueniat Christi vita. Quidam enim ita accipiunt, quoniam credendo Spiritum recipimus, qui nos in instantiam regenerat, nos eiusmodi regeneratione salutem consequi. Sic sane tota Scriptura Euangelica & Apostolica docet. Quid hinc Caluinus? Ego autem quamvis hoc esse verum fatear, fide nos renouari, ut Spiritus Christi nos regat, primo tamen loco considerandam esse dico gratuitam peccatorum remissionem, quafit ut Deo acceptissimus. Dico item, in hac sola totam salutis fiduciam & fundatam esse & consistere: quia non aliter iustitiam coram Deo imputari potest, nisi dum peccata nobis non imputat. Hæc ille. Hoc eius toxicum est, quo vix pestiferum magis apparari potuit. Affirmat sic fide nos renouari, ut Spiritus Christi nos regat, quæ prophana & Scripturis insolens loquutio est. Non enim fide nos renouari, vsquam Scripturam. Hic autem Spiritus Dei renouans ac regenerans in nouam iustitiam, iam credentibus datur, nec fidei donum (quod iam acceptum est ut initium nouæ creaturæ in Christo) sed charitatis donum largitur, ut fides per charitatem operans nouam in Christo creaturam perficiat. Quare apud Paulum sy-

nony.

nonyma hæc duo sunt, *Fides per dilectionem operans, &c. Noua in Christo creatura.* Spiritu igitur Dei renouamur, ut illo Spiritu nos regente, ambulemus secundum spiritum, non secundum carnem, in nouitate vitæ, non secundum veterem hominem. Sed quicquid hac de re sit, primo loco (ait Calvinus) consideranda est *gratuita peccatorum remissio*, qua sit ut Deo accepti simus. Ordine quidem generationis primum locum illa habet, sicut antecedit veteris formæ priuatio nouam induitam. Sed ut fiat in Christo noua creatura, in ordine perfectio-
natis prima est charitas, quæ nouam creaturam perficit, & rum remis-
sio facit acceptum Deo, quod sola peccatorum remissio sine no-
uo charitatis diuinæ habitu, qua & proximum diligimus, & ^{suo incipie-}
peccatum odimus, non perficit ^{no} iustitiam.

At non contentus Calvinus hac impostura & asturia, ne-
quitiam adiungit, dicens *in hac sola remissione peccatorum to-
tam fiduciam & fundatam esse & consistere.* Sed huic nequis-
timæ audaciæ diserratiæ Scripturæ verba opponimus. Si ^{Fiducia} tota noⁿ est
cor nostrum nos non reprehenderit, fiduciam apud Deum habe-
mus. Et iterum. *Si Spiritu facta carnis mortificaueritis, vivetis, peccatorū.*
Et rursus. *Si permaneris in bonitate: alioquin & tu excideris.* ^{I. Ioan. 4.}
Et adhuc. *Si quis in me non manterit, mittetur foras sicut pal-* ^{Rom. 8.}
mes, & arescet, &c. Denique innumera huiusmodi sunt quæ ^{Rom. II.}
salutis spem, fiduciam, & certitudinem, non in sola peccato-
rum remissione, ut peccati aduocatus Calvinus affirmat, sed ^{Calvinus}
in obedientia mandatorum Dei, in cordis puritate, in mor- ^{peccati}
tificatione carnis, in perseverantia boni operis collocant. ^{aduocatus}

Sed pulchrum est aduertere, quo tandem argumento hanc
pestilentem sententiam vel dementiam potius suam impius
Calvinus confirmat. *Quia* (inquit) *non aliter iustitia nobis co-
ram Deo imputari potest, nisi dum peccata nobis non imputat.*
Hoc est dicere, quia hæreticum meum dogma, de imputatiua
iustitia, aliter stare non potest. Sic ex uno principio hæretico
quod sibi concedi vult, & nemo orthodoxus concedere po-
test, alteram propositionem suam hæreticam confirmare
contendit. Sic non ex sensu Scripturarum suam sententiam,
sed ex sua sententia Scripturarum sensum confirmat ac probat.
Ecclesia vero Catholica imputatinam iustitiam, quæ nec in
Scripturis usquam nec apud Patres Ecclesiarum legitur, in sensu
Calvini penitus execratur & damnatur. Manet igitur firmum,
eum qui credit in filium Dei, habere sanè vitam æternā, quia
ad eam a lipiscendam ius ac titulum haber, factus adoptionis
filius non per ipsam solam fidem, sed per alia etiam Spiritus

Rom. 6. Sancti dona quæ credentibus dantur, quæ non solam remissionem peccatorum conferunt, sed nouam creaturam in Christo faciūt, ut ambulans in nouitate vita, & secundum spiritum, non secundum carnem, sic demum extra damnationem sit, & viuat Deo. *& 8.* Si enim Spiritu facta carnis mortificauerimus, vivemus. *Gal. 5.* Si autem secundum carnem vixerimus, vtcunque cedentes & præteriorū peccatorum venia donati, moriemur. *& 6.*

Rom. 8.

IN IOANNIS CAP. IIII.

14. *Aqua quam ego dabo ei, fiet in eo fons aquæ salientis in vitam æternam.*

*Operum
gratia
dignitas.*

*Institut.**lib. 3. c. 15.**num. 3. &**cap. 17.**num. 3.**In Cōment.**in hunc lo-**cum.**Tit. 3.**Dua aquæ**fontana &**deriuata.**Ioan. 7.*

Dicitur hic locus vim & dignitatem operum gratiarum procedunt à Spiritu Sancto, contra impios horum temporum hæreticos, qui hanc vim & dignitatem adeò negant, ut omnia opera Spiritus sancti in filiis Dei quantumcumque perfectis penitus immunda, & deoque peccatis potius quam virtutibus accensenda (sunt impij Caluini verba) esse pronuntient. At loquitur hic Christus de Spiritu Sancto quem datus est credentibus, quod & ipse hoc loco Caluinus agnoscit. *Aqua* (inquit Christus) quam ego dabo ei, sup. bibenti ex illa, & Spiritum Dei in se accipienti, (quem per lauacrum regenerationis effundit abunde) fiet in eo fons aquæ, id est, fons donorum & gratiarum: duas enim aquas ponit, nam fontanam seu fontis instar, quia principium & plenitudo gratiarum omnium est, ipsum videlicet Spiritum Sanctum; alteram ab eo deriuatam ac fluentem, quam alibi vocat flumina aquæ viua fluentia in cordibus credentium, quæ sunt ipsa dona virtutum & gratiarum quibus filij Dei donantur, salientis in vitam æternam; id est, quæ gratiarum & donorum aqua cordibus piorum infusa, saliet in vitam æternam. Quærimus hic ab hæreticis horum temporum. Quid est salire in vitam æternam? Caluinus nihil aliud illis verbis significari vult, quam huiusmodi gratiarum & donorum perpetuitatem ac stabilitatem. Continua (inquit) notatur irrigatio quæ in hac mortali & caduca vita calescit in illis eternitatem fuisse. Non ergo ad breue tempus in nos fluit Christi gratia, sed se usque ad beatam immortalitatem diffundit, quia fluere non desinit, donec vita incorruptibilis, quam inchoat, suis omnibus numeris constet. Sed iuxta hunc sensum, non erat dicendum, salientis in vitam æternam, sed salientis, vel fluentis potius, in æternum; sic enim perpetuum &